



In sabeda y domënia ai 22 – 23 de furà éle gnü tignì la 11^a ediziun dla Europameisterschaft tl'Austria, plö avisa a Obdach. Dô i campionać dl monn a Valdaora se à indô incuntè i atleć a nivel internazional, in chësc iade por le titul europeich.

Chësta competiziun é dessigü stada na ocajiun por se mosorè danü cun i atlec dl'Austria, che à dominé sön la pista "Panorama" a Valdaora, in ocajiun di campionaç dl monn tignis l'ultim fin dl'edma de jenà.

Ti dopl éle stè in chësc iade i dui atlec da Sterzing. Floria Schölzhorn y Dominik Kienzner che à podü festejë le titul europeich, cun le vantaje de 24 centejimi sön i campiuns mondial austriacs Ehammer y Gastl che é rovà al



terzo post.

Tla categoria di ëi è la sabda Roman Kaser da Lüssen che à dominé cun 4 centejimi dan le favorit campion dl monn austriach Andreas Ehammer. Tla finala dla domënia spo à msü Kaser ti lascè le pröm post a Ehammer do avëi cometü n fal che ti à costè 8 centejimi.

A chësta competiziun éle ince stè i atlec da La Val che à partezipé. Prò i ëi éle stè Rubatscher Florian che é ruvé al 35ejim post (2:50,86), Miribung Carlo al 48ejim post (02:52,37) y Forer Armin al 61ejim post (02:54,26).

Pro les ëres à arjunt l'atleta Erlacher Daniela le bun 5 post cun le tēmp de 02:53,35, daulache

l'austriaca Lea Geiger è gnüda incoronada campionëssa dl'Europa cun le tēmp de 02:50,56.

Da alzè fora é le buniscimo 6° post de Clara Matteo da Lungiarü cun le medemo tēmp de Unterladstätter Johann (SV Gallzein) de 02:47,16.

Por udèi la tlassifica generala drüca: [resultac](#)

